

Ս. Խոխմյան

ՏՆՏԵՍԱԳԻՏՈՒԹՅԱՆ ՊՐՈԲԼԵՄՆԵՐԸ ՀԱՅԿԱԿԱՆ ՍՍՌ
ԳԻՏՈՒԹՅՈՒՆՆԵՐԻ ԱԿԱԴԵՄԻԱՅՈՒՄ ՀԵՏՊԱՏԵՐԱԶՈՅԱՆ
ՆՈՐ ՀՆԳԱՄՅԱԿՈՒՄ

Սոցիալիստական հասարակության կառուցումը, որն իրագործվում է Սովետական ԼՐԻԹԵՅԱՆ մեջ, հիմնված է զիտակցական ղեկավարման վրա, որը ենթադրում է այդ հասարակության կառուցման ուղիների և դրան յուրահատուկ զարգացման նոր օրինաչափությունների իմացումը:

Լենինը և Ստալինը ստեղծագործորեն կիրառելով մարքսիստական թեորիան սոցիալիստական ռևոլյուցիայի և սոցիալիզմի կառուցման պայմաններում, բացահայտեցին սոցիալիստական հասարակության զարգացման հիմնական օրենքները: Սոցիալիստական հասարակության զարգացման ուղիների դիտական որոշման մեջ Լենինի և Ստալինի ղեկավար գաղափարները բացառիկ բարենպաստ պայմաններ են ստեղծում մարքս-լենինյան թեորիայի հիման վրա սոցիալիստական հասարակության օրինաչափությունները պարզելու և նրա առավելությունները հայտաբերելու համար:

Սոցիալիզմի կառուցումն ավարտելու և աստիճանաբար կոմունիզմին անցնելու պայմաններում, որ մեր երկիրը կատարում է Հայրենական պատերազմից հետո, մեծ նշանակություն է ստանում սովետական տնտեսագիտության դրույթների հետագա մշակումը: Հասկանալի է, որ այդ իրադրության մեջ տնտեսագիտության առաջ կանգնած խնդիրներն առանձնապես պատասխանատու են և բարդ: Տնտեսագիտությունը պետք է ընդհանրացնի սոցիալիստական շինարարության հարուստ փորձը, հետազոտի նոր օրինաչափությունները և մատնացույց անի երկրի արտադրողական ուժերի ավելի արագ զարգացման ուղիներն ու հնարավորությունները նրա առաջընթաց շարժման մեջ դեպի կոմունիզմի բարձրագույն փուլը: Տնտեսագիտությունը պետք է լենինյան ստալինյան թեորիայի յուրսի տակ տանա ժամանակակից կապիտալիզմի քաղաքատնտեսության հարցերի մշակումը, լուրջ քննադատության ենթարկելով արտասահմանում երևան եկած իմպերիալիզմի ջատագովների տնտեսագիտական զանազան կեղծ թեորիաները:

Տնտեսագիտության զարգացումը, սոցիալիստական հասարակության կառուցումը, պրակտիկայի տեսական հիմնավորումը և արտասահմանյան կեղծ-գիտական ու ֆեասակար թեորիաների քննադատությունը հնարավորություն կտան նաև լայնորեն իդեոլոգիական աշխատանք ծավալելու մասսաների կոմունիստական դաստիարակության համար:

Ահա թե ինչու երկրի տնտեսական քաղաքական կյանքի մվյալ էտապում շատ կարևոր նշանակություն է ստանում սովետական տնտեսագիտության մշակումը որպես մարքս-լենինյան թեորիայի հիմնական բաժիններից մեկը:

և դրա համար էլ ներկայումս այնքան սուր կերպով է դրվում տնտեսագիտության հետաքննությունը վերացնելու հարցը:

Պարտիական ղեկավար մամուլը նշում է, որ տնտեսագիտության բնագավառում դիտական աշխատանքի մակարդակը չի համապատասխանում սովետական պետության առաջ կանգնած նոր աճած խնդիրներին, որ տնտեսագիտությունն անթույլատրելի կերպով ետ է մնում ՍՍՌՄ ժողովրդական տնտեսության զարգացման պահանջներից, պատշաճ չափով չի օգնում նոր հնգամյա պլանի կարևորագույն խնդիրների լուծմանը, որ քաղաքատնտեսության և հատկապես սոցիալիզմի քաղաքատնտեսության բազմաթիվ արմատական շրատապ հարցեր ժամանակին և խոր կերպով չեն մշակվում սովետական գիտնականների աշխատություններում, որ գիտական աշխատություններ չեն ստեղծված արտասահմանյան երկրների էկոնոմիկայի և քաղաքականության կարևորագույն հարցերի շուրջը:

Իհարկե, Սովետական Միության մեջ տնտեսագիտության վիճակի մակարդակը որոշում են, ամենից առաջ, ՍՍՌՄ Գիտությունների Ակադեմիայի առաջատար ինստիտուտները՝ էկոնոմիկայի ինստիտուտը և Համաշխարհային տնտեսության և համաշխարհային քաղաքականության ինստիտուտը: Սակայն մեծագույն սխալ և անթույլատրելի բարենդություն կլինեն, եթե տնտեսագիտությամբ զբաղվող յուրաքանչյուր դիտական կազմակերպություն և յուրաքանչյուր տնտեսագետ-դիտական աշխատող չընդունեն, որ այդ ցուցումները ոչ պակաս չափով վերաբերում են նաև իրենց և, իրենց ուժերի ու հնարավորությունների ներսծին չափով, չներգրավվին տնտեսագիտության հետաքննությունը վերացնելու ընդհանուր գործի մեջ:

* * *

Հայկական ՍՍՌ Գիտությունների Ակադեմիայում մինչև վերջին ժամանակներս տնտեսագիտության հարցերը կենտրոնացված էին էկոնոմիկայի սեկտորում, որը միաժամանակ մշակում էր նաև աշխարհագրական թեմատիկա, հատկապես տնտեսական աշխարհագրության գծով:

Ներկայումս, տնտեսագիտության առաջ կանգնած խնդիրների բացառիկ կարևորության և լրջության կապակցությամբ, կառավարությունը որոշում է կայացրել Սեկտորը ինստիտուտի վերափոխելու մասին, նպատակ ունենալով դիտական, նյութական և կազմակերպական անհրաժեշտ նախադրյալներ ստեղծել տնտեսագիտական թեմատիկան ավելի լայն և ավելի խոր կերպով ընդգրկելու համար:

Միաժամանակ աշխարհագրական թեմատիկան, այդ թվում նաև տնտեսական աշխարհագրության թեմատիկան, ամբողջությամբ առանձնացվում և կենտրոնացվում է հատկապես կազմակերպվող Աշխարհագրության սեկտորում:

Էկոնոմիկայի գիտահետազոտական աշխատությունների պլանը քանիցս բազմակողմանիորեն քննարկվել է Հայկական ՍՍՌ Գիտությունների Ակադեմիայում, սկզբում որպես Սեկտորի պլան, որի մեջ պետք է կենտրոնացվեին ինչպես տնտեսագիտական, այնպես էլ աշխարհագրական աշխատությունները, իսկ այնուհետև որպես էկոնոմիկայի ապագա ինստիտուտի պլան, ինստիտուտ, որ կոչված է հանդիսանալու տնտեսագիտության զարգացման կենտրոնը Հայաստանում:

Այդ ինստիտուտը կազմակերպվեց Տնտեսագիտության սեկտորի բաժանի վրա և ընականաբար պրոբլեմների և թեմատիկայի հարցում որոշ հաջորդականություն է պահպանում Սեկտորի հետ, ուստի ինստիտուտի աշխատանքները լուսաբանելու համար անհրաժեշտ է համառոտակի կանգ առնել Սեկտորին վերաբերող մի քանի ժամանակների վրա:

1940 թվին, Սևան—Ջանգվի պրոբլեմի մշակումը Հայկական ՍՍՌ Գիտությունների Ակադեմիային հանձնվելու և նրա կոմպլեքսային ստացործման սխեման կազմելու կապակցությամբ, Գեոլոգիական ինստիտուտի Զրային սեկտորում ստեղծվեց էկոնոմիկայի խմբակ, որն զբաղվում էր ջրա-էներգետիկ պրոբլեմների էկոնոմիկայով: Նախնական աշխատանքներն ավարտվեցին 1941 թվի կեսերին: Հետագայում ենթադրվում էր դրանք այնպես ծավալել, որ հնարավոր լիներ կազմել ռեսպուբլիկայի ջրային ռեսուրսների օգտագործման ընդհանուր պլանը:

Սակայն, հունիս ամսին սկսված պատերազմը կանգնեցրեց ջրա-էներգետիկ պրոբլեմների մշակումը և այլ ուղղություն տվեց էկոնոմիկայի աշխատանքներին: 1941 թվի օգոստոսին կազմակերպված էկոնոմիկայի ինքնուրույն սեկտորն իր թեմատիկ սլանում ուներ և մշակում էր գլխավորապես պատերազմի հետ կապված հարցեր: Այդ դրությամբ հիմնականում շարունակվեց մինչև 1945 թ.: Այդ ժամանակվանից Սեկտորում վերսկսվեց կոմպլեքսային պրոբլեմների մշակման թեմատիկան և միաժամանակ սկսվեց ժողովրդական տնտեսության զարգացման գծով կուտակված նյութերի ընդհանրացմանը վերաբերող հարցերի մշակումը: 1945—1946 թ.թ. և մասամբ 1944 թ. աշխատանքների հետևանքով ավարտվեցին ռեսպուբլիկայի խոշոր մասշտաբի տնտեսական քարտեզը և նրա բոլոր հավելվածները, ինչպես նաև Հայաստանի թե սովետական և թե նախասովետական ժամանակաշրջանի էկոնոմիկայի զարգացման ամփոփիչ աշխատանքները:

Այսպիսով, էկոնոմիկայի խմբի, իսկ այնուհետև էկոնոմիկայի սեկտորի անցած ճանապարհը մինչև 1947 թ., աշխատանքների բնույթի տեսակետից, կարող է բաժանվել երեք ժամանակաշրջանի. առաջին ժամանակաշրջանը (1940—1941 թ.թ.)—ջրաէներգետիկ պրոբլեմների էկոնոմիկա. երկրորդ ժամանակաշրջանը (1942—1945 թ.թ.)—պատերազմի ժամանակվա տնտեսագիտական և քարտեզագրական թեմատիկա. երրորդ ժամանակաշրջանը (1945—1946 թ.թ.)—խաղաղ ժամանակվա թեմատիկա ռեսպուբլիկայի էկոնոմիկայի և աշխարհագրության գծով:

էկոնոմիկայի խումբը ջրատնտեսության կոմպլեքսային պրոբլեմների էկոնոմիկայի աշխատանքները հենց սկզբից դրել էր անհրաժեշտ լայնություն՝ ուսումնասիրման ենթակա հարցերի ընդգրկման իմաստով. քանի որ Սևան - Ջանգվի ջրային ռեսուրսների և մյուս ջրային աղբյուրների օգտագործման գլխավոր (գեներալ) պլանը, ըստ էության, պետք է հանդիսանար ռեսպուբլիկայի ժողովրդական տնտեսության զարգացման պլանի հիմնական բազան: Իվ իրոք, ջրային ռեսուրսների օգտագործման սխեման պետք է նախատեսեր, մի կողմից, ռեսպուբլիկայի առավել արժեքավոր հողային մասերը որոշված ջրով ապահովելը, իսկ մյուս կողմից՝ էլեկտրաէներգիա արտադրելը և այն՝ արդյունաբերական, գյուղատնտեսական ու տրանսպորտային ձեռնարկություններին մատակարարելը:

Կոմպլեքսային սխեմայի էկոնոմիկայի գծով կատարված աշխատանք-

ների նախնական արդյունքները, որոնք յույս տեսան 1941 թվին (երեք հատորով), ներկայացնում էին գյուղատնտեսության և արդյունաբերության գոյություն ունեցող վիճակի վերլուծման հարցերի մշակումը և նրանց զարգացման ու տեղադրման հիմնական դրույթների հայտարարումը՝ կապված այդ պրոբլեմի իրադրության հետ։ Միաժամանակ այդ աշխատությունները նշում էին էկոնոմիկայի այն հարցերի շրջանը, որոնց ուսումնասիրությունը պետք է դրվեր գլխավոր պլանը կազմելու հիմքում։ Նախնական սխեման լիակատար հավանություն արժանացավ ՍՍՌՄ Գիտությունների Ակադեմիայի կողմից, որն այն ժամանակ էլ նշեց, թե Հայկական ֆիլիալի հիմնական խնդիրներից մեկը Հայաստանի ջրային ռեսուրսների օգտագործման ընդհանուր պլանը կազմելու գիտա-հետազոտական աշխատանքներն են, առն համարելով երկրի ժողովրդական տնտեսության համար առաջնակարգ նշանակություն ունեցող խնդիր։

Դեռ 1940 թվի վերջերին սկսվեցին գլխավոր պլանի առավել կարևոր թեմատիկ աշխատանքները՝ ռեսուրսների կայի աշխատանքային բալանսի և աշխատանքային ռեզերվներն օգտագործելու, ինչպես նաև գյուղատնտեսության նյութական ռեսուրսների բալանսի հարցերի մշակումը։ Պատերազմի պատճառով այդ աշխատանքները որոշ չափով կրճատվեցին և 1942 թվին ավարտվեցին ցուցանիշների ավելի նեղ շրջանի գծով, քան ենթադրվում էր սկզբնապես։ Այնուամենայնիվ, այդ բալանսային աշխատանքների արդյունքները, որոնք շատ հետաքրքրական տվյալներ են, օգտագործվեցին ավելի ուշ (1944—1945 թ.թ.), գլխավոր պլանը կազմելու և մյուս տնտեսագիտական աշխատանքների ժամանակ։ Այդ առաջին ժամանակաշրջանի աշխատանքները ցուց տվին, որ ռեսուրսների կայի ջրային ռեսուրսների օգտագործման ուսումնասիրությունը ըստ էության վեր է ածվում ժողովրդական տնտեսության և նրա զարգացման բաղադրիչների ուսումնասիրման ու նրա զարգացման գլխավոր ուղղությունների հիմնավորման խնդրի՝ երկրի տնտեսական զարգացման ընդհանուր օգոստործման բազայի վրա։ Այստեղից, բնականաբար, բխում էր ռեսուրսների կայի այնպիսի գիտական կազմակերպություն ստեղծելու անհրաժեշտությունը, որը կարողանար կենտրոնական համապատասխան գիտա-հետազոտական ինստիտուտների օգնությամբ առաջնվել տնտեսաշխատական թեմատիկայի պլանային մշակումը՝ թեորիական բավարանաչափ բարձր մակարդակով։ Այստեղից նաև բխում էր տնտեսագիտական բարձրագույն կազմակերպության անհրաժեշտությունը, կադրեր, որոնք կարողանային կոդիֆիկացնել միջնորդային և միջըջանային բարդ կապերի մեջ և գիտենային հսկայական չափով աճած ու բարդացած սոցիալիստական տնտեսության այս կամ այն ճյուղի թեորիական ու գործնական հարցերը։

Ելնելով վերոհիշյալ հանգամանքներից, ՍՍՌՄ Գիտությունների Ակադեմիայի Հայկական ֆիլիալի Նախագահությունը դեռևս 1940 թվի օգոստոսին որոշում կայացրեց իր սխեմայում 1941 թ. սկզբից ստեղծել էկոնոմիկայի սեկտոր՝ տնտեսական աշխարհագրության խմբակով։ Սակայն այդ որոշումը կենսագործվեց 1941 թ. հուլիսին, պատերազմի սկսվելուց հետո, ըստ որում տարվա սկզբից նախատեսված թեմատիկան, ինչպես ասվեց վերևում, ենթարկվեց զգալի փոփոխության, և նոր կազմակերպության

առաջ դրվեցին ստեղծված ռազմական իրադրություններից բխող ռաբիշ պահանջները:

1942 թ. ժամանակաշրջանը, այսպիսով, նվիրվեց հատուկ բնույթի թեմատիկայի (հիմնականում տնտեսա-աշխարհագրական և աշխարհագրական): Այդ երկու ժամանակաշրջանների աշխատանքներն իրենց բնական շարունակումը և զարգացումը գտան արդեն որպես խաղաղ ժամանակի աշխատանքներ, որոնք գլխավորապես նվիրված էին երկրի արտադրողական ուժերի և էկոնոմիկայի հետպատերազմյան զարգացման հարցերին:

Մանրամասնորեն կանգ չառնելով այդ ժամանակաշրջանի աշխատանքների վրա, նկատենք միայն, որ նախապատերազմյան ժամանակաշրջանում բացի ջրանտեսության պրոբլեմների և ժողովրդական տնտեսության վերաբերյալ կապիտալ աշխատությունից, որի արդյունքը հանդիսացան տնտեսական քարտեզը և դրա վերաբերյալ նյութերը, ավարտվեցին, ինչպես ասվեց վերևում, ժողովրդական տնտեսության ճյուղերի էկոնոմիկայի, առանձին տերիտորիալ մասսիվների էկոնոմիկայի, ինչպես նաև Հայաստանի նախառևույցի ու էկոնոմիկայի վերաբերյալ մի շարք այլ աշխատություններ:

Մենք մանրամասն կանգ առնենք առաջին ժամանակաշրջանի աշխատանքների վրա, որպեսզի ցույց տանք, թե որոնք էին այն պահանջները, որոնք կյանքի կոչեցին էկոնոմիկայի վերաբերյալ գիտահետազոտական կազմակերպությունը Հայկական ՍՍՌ Գիտությունների Ակադեմիայի սիստեմում, թե այդ պահանջների ազդեցության տակ ինչ ուղղություն ստացան այդ կազմակերպության աշխատանքները, և թե նրանք ինչպես անդրադարձան դիտական թեմատիկայի հետագա զարգացման վրա:

Կարելի է ասել, որ հենց սկզբից Սեկտորի աշխատանքների ուղղությունը որոշում էին երկու պրոբլեմ՝ արտադրողական ուժերի տեղադրումը և սոցիալիստական վերաարտադրությունը: Այդ պրոբլեմները ներկայումս էլ հանդիսանում են էկոնոմիկայի սեկտորի հիմնական պրոբլեմները:

Անցած ուղու հետևանքով էկոնոմիկայի սեկտորը ներկայումս հնարավորություն ունի էկոնոմիկայի ինստիտուտին հանձնելու Հայկական ՍՍՌ էկոնոմիկայի վերաբերյալ մի շարք լիավարտ դիտական աշխատություններ և կուտակված ու մշակված բազմաթիվ նյութեր: Դրա հետ միասին Սեկտորը ինստիտուտին է հանձնում գիտական աշխատանքի որոշ փորձ ձեռք բերած կադրեր: Վերջին երեք տարվա ընթացքում Սեկտորը պատրաստել է տնտեսագիտական դիտությունների 7 թեկնածու, իսկ ներկայումս չորս մարդ աշխատում են իրենց դոկտորական դիսերտացիաների վրա:

Այսպիսով, էկոնոմիկայի ինստիտուտը կյանք է մտնում որոշ չափով զինված և աշխատանքների ու նյութերի դիտական ֆոնդով և՛ գիտական որոշ կադրերով: Դա ինստիտուտին պետք է օգնի տնտեսագիտության ասպարեզում նրա առաջ կանգնած պատասխանատու խնդիրները լուծելու գործում:

* * *

Ստալինյան հնգամյակների և Հայրենական Մեծ պատերազմի տարիներին Սովետական Միության տնտեսական և քաղաքական զարգացման արդյունքները և սովետական էկոնոմիկայի, գիտության ու կուլտուրայի զարգացման հեռանկարները մոտակա հնգամյակների ընթացքում, որ ընկեր

Ստալինը ասել է իր աշխատություններում և գուցե մենք ուրիշում են այն պրոբլեմների ու հարցերի միջև, որոնք առաջին հերթին պետք է դառնան սովետական մասնագետների ուսումնասիրության ու մշակման առարկա:

Սոցիալիստական շինարարության հարուստ փորձի թեորետիկ ընդհանրացումը, ինչպես ասվեց վերևում, սովետական հասարակակարգի տնտեսական հիմունքների հետազոտությանը, սոցիալիստական հասարակության զարգացման տնտեսական օրենքների վերլուծությանը, սոցիալիստական էկոնոմիկայի պրոբլեմների և նրա զարգացման ուղիների մշակումը, բուրժուական տնտեսագիտական թեորիաների բազմակողմանի քննադատությանը—սրանք են դիտական կարևորագույն խնդիրները էկոնոմիկայի ասպարեզում:

Հայկական ՍՍՌ Գիտությունների Ակադեմիայի աշխատողների առաջ համապատասխանորեն ծառանում են սոցիալիզմի և ժամանակակից կապիտալիզմի քաղաքատնտեսության պրոբլեմների ուսումնասիրության, Հայկական ՍՍՌ սոցիալիստական շինարարության պրակտիկան ընդհանրացնելու, ռեսպուբլիկայի ժողովրդական տնտեսության հետագա զարգացման ուղիների, ինչպես նաև ժողովրդական տնտեսության զարգացման պատմության և տնտեսագիտական մտքի պատմության ասպարեզում կատարվող հետազոտությունների հետ կապված գիտահետազոտական խնդիրները:

Հնգամյա պլանով նշված թեմատիկան ընդգրկում է սոցիալիստական վերարտադրության, արտադրողական ուժերի տեղադրման, ժողովրդական տնտեսության և տնտեսագիտական մտքի պատմության, ժամանակակից կապիտալիզմի էկոնոմիկայի պրոբլեմները:

* * *

Սոցիալիստական վերարտադրության և արտադրողական ուժերի տեղադրման պրոբլեմները հանդիսանում են աշխատանքների պլանի խոշորագույն և կարևորագույն բաժինը: Դրանք ընդգրկում են սոցիալիզմի քաղաքատնտեսության հարցերը և տալիս են սովետական էկոնոմիկայի հրատապ հարցերի թեորետիկ մշակումը՝ երկրի ժողովրդական տնտեսության զարգացման հարցերի հետ միասին:

Այդ պրոբլեմների թեորետիկ մասը սլարունակում է ժողովրդական տնտեսության և նրա առանձին ճյուղերի տեղադրումը որոշող և սոցիալիստական ընդլայնված վերարտադրության ուղիներն ու նրա առավելությունները բացահայտող սկզբունքների ու գործոնների վերլուծությանը, նաև հետազոտում է արդյունաբերական հանդույցների, դյուղատնտեսական շրջանների և տրանսպորտային ուղղությունների ստեղծման ու դրանց կոմպլեքսային զարգացման պրոցեսները և, սոցիալիստական շինարարության պրակտիկայի ընդհանրացման հիման վրա, տալիս է տեղադրման և սոցիալիստական ընդլայնված վերարտադրության օրինաչափությունները, ինչպես նաև սահմանում է տնտեսական ուսյոնացման սկզբունքները:

Այդ պրոբլեմների գործնական կողմը հանդիսանում է ժողովրդական տնտեսության զարգացման ուղիների հայտարարումն ըստ առանձին ճյուղերի ու տեղիտորիալ միավորների և ըստ ամբողջ ռեսպուբլիկայի, այն

ձևով, ինչպես դրանք որոշվում են սոցիալիստական շինարարության անցած էտապներով, նոր հնգամյակում, ինչպես նաև ավելի հեռավոր ապագայում:

խոշոր գեր է խաղալու շրջանների արագորոշական ուժերի բազմակողմանի ուսումնասիրությունը՝ ժողովրդական տնտեսության զարգացման համար դրանց կոմպլեքսային օգտագործման նպատակով:

Սոցիալիստական վերարտադրության պրոբլեմի գծով լինելու է թեմաների երկու խոշոր բաժին. ա) Հայկական ՍՍԽ էկոնոմիկայի զարգացումը, և բ) Հայկական ՍՍԽ ժողովրդական տնտեսությունը նոր հնգամյակում և նրա հետագա զարգացման հեռանկարները:

Առաջին բաժնի մեջ մտնում են սովետական էկոնոմիկայի զարգացման թեմաներ, հիմնականում՝ սոցիալիստական շինարարության անցած էտապների, ինչպես նաև IV հնգամյակի թեմաները (վերականգնման ժամանակաշրջան, ստալինյան հնգամյակներ, Հայրենական պատերազմ, չորրորդ հնգամյակի տարիներ): Բաժնի թեմատիկան, կատարված ամփոփիչ աշխատանքների հետ միասին (արդյունաբերության, գյուղատնտեսության, տրանսպորտի զարգացում), ընդգրկում է և մենագրություններ տնտեսության առանձին ճյուղերի, հիմնական ֆոնդերի վերարտադրության, գյուղատնտեսական արտադրության և վերարտադրության, արդյունաբերության և գյուղատնտեսության մեջ աշխատանքի արտադրողականության, ժողովրդական տնտեսության պլանավորման սխեման, ինչպես նաև տառապանքների և առանձին խոշոր արդյունաբերական ձեռնարկությունների փորձի ուսումնասիրության և ընդհանրացման վերաբերյալ: Բաժնի առավել նշանակալից թեմաները Հայկական ՍՍԽ էկոնոմիկայի զարգացման, ժողովրդական տնտեսության հիմնական ֆոնդերի վերարտադրության, Հայկական ՍՍԽ էկոնոմիկայի գյուղատնտեսության ընդլայնված վերարտադրության, Հայկական ՍՍԽ-ում աշխատանքային ուսուցանողների ու դրանց օգտագործման թեմաներն են:

Երկրորդ բաժնի գծով առաջին հերթին մշակվում են Հայկական ՍՍԽ տնտեսության զարգացման արդեն իրականացվող կոմպլեքսային խոշոր պրոբլեմները: Օրինակ՝ կոմպլեքսային պրոբլեմները և նրանց դերը Հայկական ՍՍԽ ժողովրդական տնտեսության զարգացման մեջ. Գյուղնուշի հիդրոէկայանի և նրա վրա հենվող արդյունաբերության էկոնոմիկան. Զանգեզուրի արտադրողական ուժերի կոմպլեքսային զարգացումը, ինչպես նաև էներգետիկայի, իրրիգացիայի և արդյունաբերության, գյուղատնտեսության ու տրանսպորտի մի քանի կարևորագույն ճյուղերի զարգացման ընդհանուր հեռանկարների վերաբերյալ հարցերը: Այդ բաժնի աշխատանքները մեծ մասամբ կատարվում են գիտահետազոտական այլ հիմնարկությունների, համապատասխան գիտատեսչությունների և Պետականի հետ հասատեղ:

Արտադրության տեղադրման պրոբլեմի գծով կատարվելու են հետազոտություններ և ավարտվելու են առանձին մասսիվների՝ Արարատյան դաշտի, Զանգեզուրի, Սևանի ավազանի, Շիրակի, Վայքի, Իւզգարքի, Աղստեի էկոնոմիկայի ուսումնասիրման աշխատանքները:

Դրանց վերաբերյալ մենագրությունները կտան այդ շրջանների տնտեսության զարգացման արդյունքների ամփոփումը և դրանց հետագա

մասնագիտացման հեռանկարները, Հետազոտական աշխատանքներ են կատարվելու նաև արդյունաբերական հանդույժների, գյուղատնտեսական շրջանների և տրանսպորտային ուղղութիւնների վերաբերյալ, որոնք վերլուծելու են դրանց փոխացման և կոմպլեքսային դարգացման պրոցեսները:

Այդ աշխատանքների արդյունքների ընդհանրացման և առանձին մասսիվների վերաբերյալ մենագրական հետազոտութիւնների հիման վրա ենթադրվում է տալ ռեսպուբլիկայի տնտեսական շրջանների սխեման և գրանց դարգացման հեռանկարները, լուսաբանելով երկրի սոցիալիստական տնտեսութեան ռայոնացման մեթոդոլոգիական հիմնական հարցերը:

Այսպիսով, սոցիալիզմի քաղաքատնտեսութեան հիշյալ պրոբլեմների գծով կատարվող աշխատանքներում ենթադրվում է լուսաբանել և տեսականորեն մշակել արտադրողական ուժերի սոցիալիստական տեղադրման, շրջանացման, ժողովրդական տնտեսութեան պլանավորման սխեման, սոցիալիստական ինդուստրացման, դիֆերենցիալ ռենտայի և մի քանի ուրիշ հարցեր:

Երևական աշխատանքների հնգամյա պլանի կարևոր հարցեր են հանդիսանում նաև Հայաստանի ժողովրդական տնտեսութեան պատմութեան և հայ տնտեսագիտական մտքի պատմութեան պրոբլեմները: Վերջինս ուսումնասիրութիւնը մեծ նշանակութիւն ունի հայ ժողովրդի տնտեսութեան և կուլտուրայի պատմութիւնը լուսաբանելու տեսակետից:

Այստեղ սովետական գիտութեան առաջ կանգնած է երկրի անցյալի, առաջին հերթին Հոկտեմբերյան Մեծ Ռեվոլյուցիայի նախընթաց շրջանի տնտեսական և սոցիալական դարգացման հիմնական հարցերի հետազոտութեան, կապիտալիստական հարաբերութիւնների ծագման ու դարգացման և դասակարգային հակասութիւնների աճման պրոցեսների ուսումնասիրութեան, ինչպես նաև անցյալում, գլխավորապես 19-րդ դարում, հայ տնտեսագիտական մտքի դարգացման լուրջ խնդիրը, ներառյալ հայ իրականութեան մեջ մարքսիզմի և մարքսիստական տնտեսագիտութեան տարածման ու դարգացման ժամանակաշրջանը: Սրանք են տվյալ պրոբլեմի ընդգրկած հիմնական հարցերը:

Այս պրոբլեմի գծով նոր հնգամյակում ծրագրվում է երկու ուղղութեամբ աշխատանք. ա) Հայաստանում կապիտալիստական հարաբերութիւնների դարգացման պատմութիւնը և բ) հայ տնտեսագիտական մտքի պատմութիւնը: Լուրջին բաժնի գծով նախատեսված են երկու աշխատանք՝ մի ընդհանուր աշխատանք Հայաստանում կապիտալիզմի դարգացման պատմութեան վերաբերյալ և մի հատուկ աշխատանք նախառեւոլյուցիոն Հայաստանի ագրարային հարաբերութիւնների դարգացման վերաբերյալ:

Երկրորդ բաժնի գծով ծրագրվում է ուսումնասիրել 19-րդ դարի երկրորդ կեսում հայ տնտեսագիտական մտքի պատմութեան, հայ իրականութեան մեջ մարքսիզմի և մարքսիստական տնտեսագիտութեան դարգացման հարցերը, ինչպես և մենագրութիւններ տալ հասարակական-քաղաքական առանձին գործիչների (Շահումյան, Սպանդարյան, Արծրունի և այլն) տնտեսագիտական հայացքների և հայ պարբերական մամուլի քաղաքատնտեսագիտական ուղղութեան մասին:

Վերոհիշյալ երեք պրոբլեմները հիմնական պրոբլեմներ են, որոնք որոշում են գիտահետազոտական աշխատանքի և տնտեսագիտութեան դարգա-

ցումը Հայաստանում ոչ միայն մոռացված, այլև հետազոտում
 Իացի երեք հիմնական պրորիմներից, հնգամյա պլանը նախատեսում է
 ժամանակակից կապիտալիզմի էկոնոմիկայի վերաբերյալ աշխատանքներ։ Մեզ
 շրջապատող կապիտալիստական պետությունների հետպատերազմյան զար-
 գացումը գիտա-հետազոտական մեծ հետաքրքրություն է ներկայացնում
 Այդ հարցն ունի նաև գործնական նշանակություն, որովհետև հարևանե-
 րին ճանաչելը կնպաստի կուլտուրական և տնտեսական կապերի զարգաց-
 մանը նրանց հետ։ Այդ պրորիմի գծով նախատեսված թեմաները վերաբե-
 րում են Մերձավոր Արևելքի երկրներում պատերազմի ժամանակ կատար-
 ված սոցիալ-քաղաքական և տնտեսական փոփոխությունների վերլուծու-
 թյանը և այդ երկրների էկոնոմիկային՝ երկրորդ համաշխարհային պատե-
 րազմից հետո։ Կապիտալիստական առանձին երկրների էկոնոմիկայի ու քա-
 ղաքականության վերաբերյալ աշխատությունների հետ միասին ենթադրվում
 է նաև մենաշրթյուն տալ Մերձավոր Արևելքում իմպերիալիստական տե-
 րությունների հակասությունների զարգացման վերաբերյալ։

• •

Հնգամյա պլանի թեմատիկան, ինչպես ասացինք, բազմիցս քննվել է
 այս պահանջների համապատասխանությունը տեսանկյունից, որոնք այսօր
 ներկայացվում են տնտեսագիտությանը։ Պետք է նշել, որ դա համապա-
 պատասխանում է տնտեսագիտության զարգացման թեորիական պահանջ-
 ներին և կապակցված է երկրի արտադրողական ուժերի զարգացման գործ-
 նական պահանջմունքների հետ։

Հիմնական պրորիմների կատարումը հնարավորություն կտա Ինս-
 տիտուտին, իր ուժերից բացի, իր շուրջը համախմբելու նաև Համալսարանի
 և ռեսպուբլիկայի մյուս քարձրագույն ուսումնական հաստատությունների
 համապատասխան ամբիոնների ուժերը։ Դա հնարավորություն կտա միաս-
 նական պլան մտցնելու գիտական կազմակերպությունների աշխատանքի
 մեջ, կնպաստի զուգահեռականության վերացմանը և պայմաններ կստեղծի
 տնտեսագիտական կադրերի իսկական աճման համար։

Այս ամենի կապակցությամբ առանձնահատուկ նշանակություն է
 ստանում պլանի կատարման հարցը։ 1947 թվից արդեն անցել է ութ ամիս,
 իսկ Ինստիտուտի կազմակերպումը դեռևս չի ավարտված։ Պետք է արա-
 ւացնել Ինստիտուտի կազմակերպման գործը, և անհրաժեշտ է, որ Գիտու-
 թյունների Ակադեմիան սկզբից ևեթ գիտական ու նյութական բոլոր նա-
 խադրյալներն ստեղծի՝ հնգամյա պլանի համաձայն աշխատանքները Ինս-
 տիտուտում լրիվ ծավալելու համար։